



Inatsisartunut ilaasortaq
Debora Kleist
Inuit Ataqtigiit

§ 37 naapertorlugu puiguttunngorneq pillugu apeqqummut, nr. 2017-179, akissut

21-07-2017
Suliap nr. 2017 - 16135
Allakkat nr. 5817515

Aallarniutigalugu qutsavigerusuppakkit Inatsisartut suleriusaanni § 37 naapertorlugu puiguttunngorneq pillugu apeqquteqaravit.

Postboks 1160
Oqa.: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

1. Puiguttunngorneq pillugu suliniuteqarnissamut qanoq Naalakkersuisut pilersaaruteqarpat?

Puiguttunngornermik nappaatilinnut tunngatillugu Naalakkersuisut suliniutiginiagaat puiguttunngornermik nappaatilinnut pilersaarummi allassimapput.

Puiguttunngornermik nappaatilinnut pilersaarut 2013-imi saqqummiunneqarpoq, taasanilu suliniutiginiakkat arlallit nunatsinni puiguttunngornermik nappaatillit sullinneqarnerisa pitsanngorsarnissaannik siunertallit atuarneqarsinnaapput.

Puiguttunngornermik nappaatilinnut pilersaarut suliniutaavoq taamatut nappaatillit pitsaanerusumik sullinnissaannik siunertalik immikkut ingerlasoq, kisianni aamma Utoqqaat pillugit ataatsimut periusissiamut, 2012-imi ukiakkut suliarineqartumut, ilaavoq. Innuttaasut peqqinnissaqarfimmi puiguttunngornermik nappaateqarnermik misissorneqartarlutillu nappaat suussusersineqartarpoq. Tamanna DIN-imi CT-scannerinikkut (qaratsamik tarrarsuineq), aaviinikkut pillorissaasullu naliliineratigut pisarpoq. Misissuinermi tarnikkut nappaatilinnut immikkoortortaqaarfik akuliutitinneqartarpoq tamanna pisariaqartutut nalilerneqaraangat.

Puiguttunngornermik nappaatilinnut pilersaarutip kingunerisaanik peqqinnissaqarfik suleqatigiinnik puiguttunngornermik nappaatilinnik sullissisussanik pilersitsivoq, taakkualu tassaapput nakorsaannermit immikkoortortaqaarfimmi nakorsaaneq aqutsisoq aamma peqqissaasuuneq. Nappaatip suussusersineqarnerata kingorna puiguttunngornermik nappaatilik nakkutigineqartarpoq nakorsallu oqaloqateqarneratigut nakorsaaneq aallartittarluni.

2. Puiguttunnerneq pillugu ataqtigiissaarisussanik atorfinitsisoqarsinnaaneramik Naalakkersuisut suliniuteqassamaarpat, taamaattoqassappat qanoq aaqqissuuniarneqarpat?

Puiguttunngornermik nappaatilinnut pilersaarummi allassimavoq kommunini tamani, taamani sisamaasuni maannali Qaasuitsup Kommuniata kommuninut marlunnut

avinneratigut tallimaasuni, puiguttunngornermik nappaatilinnut tunngatillugu ataqatigiissaarisunik ilinniartitsisoqarlunilu atorfinitsitsisoqassasoq.

3. Naalackersuisuniit puiguttunngorneq pillugu ataqatigiisaarisoqalernissaa takorloorneqarsimappat, qanoq aningaasatigut aammalu allaffissornikkut sunniuteqarsinnaava?

Naalackersuisut puiguttornermik nappaatilinnut tunngatillugu ataqatigiissaarisunik atorfinitsinissamik pilersaaruteqanngillat. Naleqq. apeqqummut 2-mut akissummi allassimasoq puiguttunngornermik nappaatilinnut tunngatillugu ataqatigiissaarisut kommunini atorfinitsinneqassasut. Aningaasaliinissamut allaffissornermullu akisussaaffik kommunini oqartussaasuni inissisimavoq.

Inussiarnersumik inuulluaqqusillunga


Agathe Fontain